

	Hafnarfjarðarbær
Innk:	5/3 2015
Málsnr:	1503089
Bréfsl:	0321



Þjónustusvæði um málefni fatlaðs fólks
 Hafnarfjarðarkaupstaður
 Rannveig Einarsdóttir
 Strandgötu 6
 220 Hafnarfjörður

INNANRÍKISRÁÐUNEYTIÐ

Jöfnunarsjóður sveitarfélaga

Sölvhólgotu 7 150 Reykjavík
 sími: 545 9000 bréfasími: 552 7340
 postur@irr.is irr.is

Reykjavík 26. febrúar 2015
 Tilv.: IRR13100347/21.19.0

Endanleg framlög vegna þjónustu við fatlað fólk á árinu 2014

Framkvæmd útreikninga og greiðslur allra framlaga vegna þjónustu við fatlað fólk á árinu 2014 hafa nú farið fram. Hér á eftir má finna upplýsingar um útreikning og endanlegar niðurstöður einstakra framlaga.

Almenn framlög til þjónustusvæða og sveitarfélaga vegna þjónustu við fatlað fólk

Endanleg framlög taka mið af ákvæðum reglugerðar nr. 242/2014 um framlög Jöfnunarsjóðs sveitarfélaga vegna þjónustu við fatlað fólk á árinu 2014. Við útreikning framlaganna skiptust 80% af ráðstöfunarfjármagni sjóðsins til greiðslu framlaganna hlutfallslega miðað við jöfnun á grunni stuðningsþarfar og 20% hlutfallslega miðað við jöfnun á grunni eigin útsvars.

Útreiknuð útgjaldabörf þjónustusvæða/sveitarfélaga vegna þjónustu við fatlað fólk á árinu 2014 nam samtals 12.894 m.kr. Þar af nam 0,25% hlutdeild þeirra í útsvarsstofni samtals 2.714 m.kr. Mismunur útgjaldabörfar og útsvarstekna eru endanleg framlög vegna ársins 2014 og nema þau því samtals 10.180 m.kr.

Við mælingu á útgjaldabörf vegna úthlutunar framlaga ársins 2014 var tekið tillit til eftirfarandi þáttá á grundvelli viðbótarupplýsinga sem bárust frá sveitarfélögum:

1. Uppfærðar voru upplýsingar um lögheimili einstaklinga í þjónustu með tilliti til flutnings þeirra milli þjónustusvæða/sveitarfélaga.
2. Framkvæmt var SIS mat á þeim einstaklingum sem ekki höfðu náð 18 ára aldri við útreikning framlaganna árið 2013 en náð höfðu 18 ára aldri á árinu 2014 væri raunkostnaður jafn hár eða hærri en einingarkostnaður 4. flokks.
3. Safnað var saman upplýsingum um einstaklinga í þjónustu með viðbótarkostnaði á árinu 2014 sem samsvarar einingarkostnaði 4. flokks.
4. Jafnframt var framkvæmt endurmat á þeim einstaklingum sem metnir voru SIS mati í upphafi verkefnisins á árinu 2010.

Við framkvæmd útreiknings á endanlegu framlagi ársins fer jafnframt fram leiðréttung á framlögum ársins 2012 á grundvelli endanlegs álagningarástofns útsvars ársins 2012. Til leiðréttigarinnar var varið 70 m.kr. og nema því heildargreiðslur almennra framlaga til sveitarfélaga/þjónustusvæða vegna þjónustu við fatlað fólk 10.250 m.kr. á árinu 2014.

Sérstök viðbótarframlög

Á grundvelli 4. gr. reglugerðar nr. 242/2014 er Jöfnunarsjóði heimilt að greiða sérstök viðbótarframlög til þjónustusvæða/sveitarfélaga að höfðu samráði við Samband íslenskra sveitarfélaga, til að koma til móts við þau svæði þar sem hlutfallsleg lækkun almennu framlaganna er veruleg milli áranna 2013 og 2014 og um íþyngjandi kostnað þjónustusvæða/sveitarfélaga er að ræða við rekstur málafloksins umfram tekjur.

Til ráðstöfunar vegna sérstakra viðbótarframlaga á árinu 2014 voru 175 m.kr. og hafa framlöginn nú þegar komið til greiðslu.

Framlög vegna lengdrar viðvera

Fjármagn til ráðstöfunar framlaga vegna lengdrar viðveru nam 89 m.kr. á árinu 2014 og komu 70 m.kr. til úthlutunar vegna lengdrar viðveru fatlaðra grunnskólanemenda og 19 m.kr. vegna lengdrar viðveru fatlaðra framhaldsskólanemenda.

Við framkvæmd útreikninga framlaga vegna grunnskóla voru lagðar til grundvallar umsóknir vegna 191 grunnskólanemenda á vorönn 2014 og 186 grunnskólanemenda á haustönn 2014. Við framkvæmd útreikninga framlaga vegna framhaldsskóla voru lagðar til grundvallar umsóknir vegna 98 framhaldsskólanemenda á vorönn 2014 og 104 framhaldsskólanemenda á haustönn 2014. Einingarverð vegna lengdrar viðveru grunnskólanemanda á vorönn 2014 nemur 194.241 kr. og 176.992 kr. á haustönn 2014. Einingarverð vegna lengdrar viðveru framhaldsskólanemenda á vorönn 2014 nemur 102.755 kr. og 85.865 kr. á haustönn 2014.

Framlög vegna notendastýrðrar persónulegrar aðstoðar á árinu 2014

Alls voru greidd framlög vegna 51 NPA samnings á árinu 2014 og nam heildarfjárhæð þeirra 577,7 m.kr. Að teknu tilliti til 20% kostnaðarþátttöku Jöfnunarsjóðs nema framlög vegna NPA samtals 115,5 m.kr. á árinu 2014.

Fyrir hönd ráðherra


Elin Pálsdóttir


Guðni Geir Einarsson

Hafnarfjarðarkaupstaður

Tegund framlaga:	
Greiðslur almennra framlaga árið 2014:	
Mánaðarlegar greiðslur	953.817.806
Viðbótargreiðslur 2014	0
	<hr/>
	953.817.806
Framlög vegna lengdrar viðveru 2014	3.564.936
Framlög vegna NPA 2014	14.818.006
Samtals	972.200.747

